



Nuuk 26. januar 2012

Inatsisartut suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka:

Suliffeqarfinni Namminersorlutik Oqartussat ataanni inissisimasuni, illoqarfiup nunattaluunniit avataaniit atorfinitsitsinermi, piumasaqaateqarnerluni, piffissami aaliangersimasumi aatsaat sulisimagaanni angerlamut angalanermut pequtaasalu assartornerannut aatsaat akiliussisoqartassasoq?

Qulaani apeqqutigisama assinganik, Namminersorlutik Oqartussat suliffeqarfiutaanni selsskab-iunngitsuni aammalu tamakiisumik ilaannakuusumilluunniit selsskab-iutaanni atorfininnermut piumasaqaateqartoqarnerloq Naalackersuisut ilisimasaqarfignarlugu? Piumasaqaateqartoqartarsimangippat suliffeqarfimmik piginnittut piginneqataasutulluunniit (Naalackersuisunit) piumasaqaatigineqarnissaa eqqarsaatigineqarnerluni?

Malik Berthelsen, Siumut

Tunngavilersuut:

Kalaallit Nunaanni Namminersorlutik Oqartussat ataanni illoqarfiup nunattaluunniit avataaniit atorfinitsitsinermi soraarninngornermilu 2009-imi katillugit 62mio.kr. missaat atorpeqarsimapput. Erseqqissaatigissavara kisitsit tassani taamaallaat pisortaqaarfinni Namminersorlutik Oqartussat naatsorsuuserisoqarfianiit suliarineqartartut kisimik pineqarmata.

Atorfinitsitsinenermuinnaq ukiumut 62mio.kr. aningaasarpapilussuupput. Taamaattumik paaserusuppara ukiuni makkunani aningaasaqarniarnikkut naammattusaarfiusumi atorfinitsitsinermi piumasaqaateqartoqarnerloq, piffissami qanoq sivistigisumi aatsaat sulisimagaanni angerlamut angalanissaannut pisataannillu akiliussisoqartarnerloq?

Namminersorlutik Oqartussat selsskab-iutaat immikkut siulersuisoqarlutik ingerlagaluartut innuttaasunit tamanit pigineqarmata/piginneqataaffigineqarmata, aammalu akiitsuminnut akilersuinnaanissartik atortunilluunniit nutarsaanissaminnut akissaqarumallutik aningaasartuutikillisaanissartik oqaatigisarmassuk, piginnittut Naalackersuisut qulaani apeqqutinnut ilisimasaqarnerloq paaserusukkaluarpara.